

Служба священномученику Николаю (Восторгову), пресвитеру. (1 февраля, н.ст.)

В Ё Ч Е Р

На Господи, воззвах: стихирь, глас 1.

Прехвальне священномучениче Николае,/ ты ни темница изнурѣла
есть,/ ни глад уморѣ,/ ни озлобленія и раны смятоша,/ во еже разлучити тя
от любви Божия/ и благодарованныя паствы./ Тѣмже Христу, святе, молися/
даровати Церкви нашей// мир и велию милость.

Всехвальне священномучениче Николае,/ от братьй по плоти
страдания до крове претерпевая,/ в себѣ помышлял еси,/ яко Господа ради
умерщвляеми есмы/ и несть наша брань противу плоти и крове,/ но к
миродержителю тмы века сего./ Тѣмже Христу, святе, молися,/ даровати
земли нашей// мир и велию милость.

Преславне священномучениче Николае,/ ты жертву безкровную/
первее благоговѣйне совершая,/ послежде, яко всеплодие,/ себѣ самаго в
жертву живую принѣсл еси,/ моля, да простится грех богоборчества народа
нашего./ И ныне Христу, святе, молися/ даровати людем российским// мир
и велию милость.

Слава, глас тойже:

Церкви Россійския славо/ и Отечества нашего украшение,/ священномучениче Николае,/ властью, от Бога тебѣ данною,/ ругатели
безбожныя обличал еси,/ и, яко волки лютыя, от стада твоего отгнал еси/ и
дѣвола посрамил еси,/ кровь же твоѧ, яко Авелева,/ от земли нашея вопиѣт
немолчно./ Сего ради ходатай на Небеси о нас верен буди// и моли спастися
душам нашим.

И ныне, Богородичен: Всемирную славу:

Вход. Прокимен дне. И чтенія три.

Деяний святых апостол чтение (глава 4):

Во дни оны, глаголющим же апостолом к людем,/ наидоша на них
священницы и воевода церковный, и саддукѣи,/ жаляще си, за еже учити
им люди и возвещати о Иисусе воскресение мертвых;/ и возложѣша на них
руки и положѣша их в соблюдение до утрия:/ бе бо вечер уже./ Мнози же

от слышавших слово вероваша:/ и бысть число мужей яко тысящ пять./ Бысть же наутрие собратися князем их, и старцем, и книжником во Иерусалим:/ и Анне архиереем, и Каиафе, и Иоанну, и Александру,/ и елици беша от рода архиерейска./ И, поставльше их посреде, вопрошаху:/ кою силою, или коим именем сотвористе сие вы?/ Тогда Петр, исполнився Духа Свята, рече к ним:/ князи людстии и старцы Израилевы,/ аще мы днесь истязуеми есмы о благодеянии человека немощна,/ о чем сей спасеся,/ разумно буди всем вам и всем людем Израилевым,/ яко во имя Иисуса Христа Назорея,/ Егоже вы распясте,/ Егоже Бог воскресил от мертвых,/ о сем сей стоит пред вами здрав./ Сей есть камень, укоренный от вас, зиждущих,/ бывый во главу угла,/ и несть ни о едином же ином спасения;/ несть бо иного имени под небесем, даннаго в человецех,/ о немже подобает спастися нам.

Деяний святых апостол чтение (глава 4):

Во дни оны, видяще иудеи Петрово дерзновение и Иоанново и разумевше,/ яко человека не княжна еста и проста, дивляхуся,/ знаху же их, яко со Иисусом беша;/ видяще же исцеленнаго человека с ними стояща,/ ничтоже имяху противу рещи./ Повелевше же имам вон из сонмища изыти,/ стязавшася ко друг другу, глаголюще:/ что сотворим человека сима?/ Яко убо нарочитое знамение бысть имам, всем живущим во Иерусалиме яве,/ и не можем отрещися;/ но да не более прострется в людех,/ прещением да запретим имам кому не глаголати о имени сем ни единому от человек./ И призвавше их,/ заповедаша имам отнюдь не провещавати, ниже учити о имени Иисусове./ Петр же и Иоанн, отвещавше к ним, реста:/ аще праведно есть пред Богом/ вас послушати паче, нежели Бога?/ Судите: не можем бо мы, яже видехом и слышахом, не глаголати./ Они же, призапрещше имам, пустиша я,/ ничтоже обреще, како мучити их, людей ради,/ яко вси прославляху Бога о бывшем:/ лет бо быше множае сорок четыре человек той,/ на немже бысть чудо сие исцеления.

Деяний святых апостол чтение (глава 4):

Во дни оны, отпущена бывша апостола приидоста ко своим и возвестиста,/ елика к ним архиереи и старцы реша./ Они же, слышавше, единодушно воздвигоша глас к Богу и рекоша:/ Владыко, Ты, Боже, сотворивый небо и землю и море и вся, яже в них,/ Иже усты Давида, отрока Твоего, рече:/ вскую шаташася языцы и людие поучишася

тщётным?/ Предста́ша ца́рие зёмстии,/ и кня́зи собра́шася вку́пе на Го́спода
и на Христа́ Его́./ Собра́шася бо вои́стину во гра́де сем на свята́го О́трока
Твоего́ Иису́са,/ Его́же пома́зал еси́,/ Ёрод же и Понти́йский Пилáт, с язы́ки
и людьми́ изра́иловыми,/ сотвори́ти, елика́ рука́ Твоя́ и сове́т Твой
предна́рече́ бы́ти./ И ны́не, Го́споди, при́зри на преще́ния их/ и даждь рабо́м
Твои́м со вся́ким дерзнове́нием глаго́лати сло́во Твое́,/ внегда́ ру́ку Твою́
простре́ти Ти во исцеле́ния,/ и зна́мением и чуде́сем быва́ти и́менем святы́м
О́трока Твоего́ Иису́са./ И помолви́вшимся им, подви́жеся ме́сто, иде́же бяху
со́брани,/ и испо́лнишася вси Ду́ха Свя́та,/ и глаго́лаху сло́во Бо́жие со
дерзнове́нием.

На стихо́вне стихи́ры, глас 6.

Столп непоколеби́мый Ру́сския Це́ркве был еси́,/ гоне́ния лю́тая
претерпева́я,/ день и ночь в моли́тве подвиза́лся еси́,/ священномучени́че
Николае,/ огнём ре́вности и ду́хом кро́тости/ па́ству твою́ ко Христу́
путево́дя,// тем тя любóвию почита́ем.

Стих: Свяще́нницы Твоя́ облеку́тся в пра́вду// и преподо́бнии Твои́
возра́дуются.

Ве́рен Бо́гу и Це́ркви был еси́ да́же до сме́рти,/ священномучени́че
Николае,/ ны́не же, с ли́ки новомучени́к и испове́дников Росси́йских/
предсто́я Христу́ Царю́,/ моли́ся с ни́ми приле́жно/ дарова́ти нам мир// и
ве́лию ми́лость.

Стих: Честна́ пред Го́сподем// сме́рть преподо́бных Его́.

Душе́вная и теле́сная страда́ния твоя́/ и сме́рть за Го́спода во́льная от
безбо́жных/ отверзо́ша ти, свя́те Николае,/ врата́ жи́зни ве́чныя/ и
укрепи́ша бра́тий твои́х испове́дати Христа́./ Те́мже Ему́ моли́ся при́сно,//
да утверди́тся Правосла́вие на Руси́ во ве́ки.

Сла́ва, глас 4:

А́нгели страда́нием твои́м дивля́хуся,/ и Це́рковь Небе́сная ра́достно
тя при́ят,/ достохва́льне Николае,/ Ны́не же, свяще́нней ру́це твои́/ к
Престо́лу Святы́я Тро́ицы простира́я,/ помина́й зе́млю Ру́сскую,/ ю́же
возлюби́л еси́,// моля́ о спасе́нии сла́вящих тя благоче́стно.

И ны́не, Богоро́дичен, глас то́йже:

При́зри на моле́ния Твои́х раб, Всенепоро́чная,/ и вся́кия ско́рби изба́ви зе́млю Ру́сскую,/ до́м Твой наре́ченную/ и крове́мь ново́мученик освяще́нную./ Да не постыди́мся, Влады́чице Держа́вная,/ Ты призыва́ющей,/ Ты бо еси́ правосла́вных по́мощь,/ ра́дость и покрóв// и спасе́ние душ на́ших.

Тропарь, глас 1:

Любо́вию к Бо́гу распаляе́мь жи́знь свою́ му́ченически за Христа́ и бли́жних положи́л еси́, сего́ ра́ди вене́ц пра́вды от Него́ прия́л еси́, моля́ всеблага́го Бо́га, священному́чениче Никóлае, Це́рковь святу́ю сохра́нити в ми́ре и спасти́ ду́ши на́ша.

Н А Ў Т Р Е Н И По стихослóвии седа́лен, глас 6:

Сквозе́ огонь муче́ния, я́ко свиде́тель ве́рный, проше́л еси́,/ блаже́нне Николае,/ сего́ ра́ди с ли́ки святы́х земли́ Ру́сския/ в Небе́сном Оте́честве торже́ствуеши./ Помози́ и нам бы́ти ве́рным Христу́ и спаси́ся душáм на́шим.

Сла́ва, и ны́не, Богоро́дичен:

О Всепе́тая Де́во,/ Ты ве́мы Покрóв земли́ Ру́сския,/ Тебе́ бо, грешни́и, има́мы предста́тельство,/ Тебе́ стяжа́хом в напáстех спасе́ние,/ Еди́ну Всенепоро́чную.

Велича́ние:

Велича́ем тя,/ священному́чениче наш Николае,/ и чтим честна́я страда́ния твоя́,/ я́же за Христа́ во утвержде́ние на Руси́ Правосла́вия// претерпе́л еси́.

Псалóм избра́нный:

1-й лик: Бог нам Прибе́жище и Си́ла.

2-й лик: Го́споди, воздвигни́ си́лу Твою́ и прииди́, во е́же спасти́ ны.

1-й лик: Глаго́лах о свиде́ниях Твои́х пред ца́ри и не стыдя́хся.

По полиеле́и седа́лен, глас 1:

До́блий страда́льче и служи́телю Та́ин Бо́жиих,/ священному́чениче Николае,/ Це́ркве Ру́сския похва́ло и утвержде́ние,/ ны́не, пра́зднующе

твою́ память,/ Бо́гу, просла́вльшему тя, благода́рственно вопи́ем:/ сла́ва
Да́вшему ти крѣпость во страда́ниях,/ сла́ва Венча́вшему тя,/ сла́ва
Спаса́ющему нас тво́ими моли́твами.

Сла́ва, и ны́не, Богоро́дичен:

Предста́тельнице те́плая и Засту́пнице усер́дная,/ в годи́ну безбо́жия
от конѣ́чныя поги́бели/ зѣмлю Ру́сскую изба́вляшая всемо́щным
хода́тайством к Сы́ну Твоему́,/ и ны́не не оста́ви нас моли́твами Тво́ими,
Влады́чице Богоро́дице.

Степе́нна, 1-й антифо́н 4-го гласа. **Прокі́мен, глас 4: Прои́дѡхом
сквозѣ́ огнь и во́ду,// и извѣ́л еси́ ны в по́кой.** Стих: Разже́гл ны еси́, я́коже
разжиза́ется серебро́. Всякое дыха́ние: Евангелие от Матфе́я, зача́ло 36.

По 50-м псалме́ стихі́ра, глас 6:

Егда́ попусти́ Господь по грехо́м на́шим/ братоубі́йство, гонѣ́ния и
ве́ры Христо́вы поруга́ние,/ ты, священномучени́че Николае,/ Це́ркве
Росси́йския столп непоколебѣ́мый яви́лся еси́/ и, кровь свою́ за Христа́
проли́ав,/ па́ству во еди́нстве соблю́л еси́./ Ны́не же, на Небеси́ предсто́я с
ли́ки новомучени́ков,// моли́ спасті́ся душа́м на́шим.

Кано́н, глас 4.

Песнь 1

Ирмо́с: Мо́ря чермну́ю пучи́ну/ невла́жными стопа́ми/ дрѣвний
пешешѣ́ствовав Изра́иль,/ крестообра́зныма Моисе́овыма рука́ма//
Амали́кову си́лу в пусты́ни победи́л есть.

Во́ли Бо́жией послушли́в быв,/ священства дар при́ял еси́,
священномучени́че Николае,/ и, за Христа́ да́же до сме́рти пострада́в,
ве́рный сын Це́ркве яви́лся еси́.

Изгна́ние и разлучѣ́ние с па́ствою тво́ею му́жественне претерпе́л еси́,
священномучени́че Николае,/ но ничто́же возмо́же разлучи́ти тя от любве́
Бо́жия.

Безбоя́зненно проповѣ́довал еси́ лю́дем пока́ние,
священномучени́че Николае,/ да обратят сердца́ своя́ к Бо́гу/ и то́кмо на
Него́ в ско́рбех и лишѣ́ниях упова́ние ѿмуют.

Богорóдичен: Мáти Бóжия,/ дом Твой, Святáя Русь, мóлит Тя:/ избáви лю́ди Твоя́ от вся́кия нúжды и вéчнаго осуждéния.

Песнь 3

Ирмóс: Веселíтся о Тебé Цérковь Твоя́, Христé, зовúщи:/ Ты моя крéпость, Гóсподи,// и прибéжище, и утверждéние.

Егда́ при́иде испытáние вéры твоея́, священномúчениче Николае,/ страдáние за Христá, я́ко благодáтний дар, прия́л еси́/ и крóвию твоею́ Рýсскую зéмлю обагрíл еси́.

Егда́ при́иде гонéние от безбóжных,/ столп непоколебíм Рýсския Цérкве явíлся еси́, священномúчениче Николае,/ святýх, я́ко блíжних срóдник, в пóмощь призывáя,/ с нíмиже кúпно нýне прославля́ешься.

Аще и умерщвлéн был еси́ тéлом, священномúчениче Николае,/ обáче дýхом кóзни диáвольския посрамíл еси́,/ имéя Христá прибéжище и утверждéние.

Богорóдичен: Тя Предстáтельница, Пречíстая Дéво, мóлим:/ преложí нашу печáль на рáдость и скóрби належáция избáви, Застúпнице нáша.

Седáлен, глас 3:

Завéты исповéдников и священномúчеников Христóвых восприéм,/ дýшу твою́ за вéру Правослáвную положíл еси́, свя́те,/ ёю́же утверждáется земл́я Рýсская./ Сего́ рáди моли́ся, священномúчениче Николае,/ любóвию чтúщим тя вёрным Христú до концá бýти.

Слáва, и нýне, Богорóдичен:

Не íмамы ина́го прибéжища, рáзве Тебé, Богорóдице,/ Отéчества нáшего усérдная Застúпнице:/ всяк бо, почитáяй Тя, наде́жду обрета́ет.

Песнь 4

Ирмóс: Вознесéна Тя ви́девши Цérковь на Крестé,/ Сóлнце Пра́ведное,/ ста в чíне своём,/ достóйно взывáющи:// слáва síле Твоей, Гóсподи.

Да не дерзают языцы рещи: где есть Бог ваш?/ Кровь бо новомучеников от земли нашей вопиет:/ Господи, Господь наш, яко чудно имя Твое по всей Русстей земли.

Имже образом желает елень на источники водные,/ сие ты, страстотерпче Николае, к животоносным страданиям за Христа притекл еси,/ имиже присно священно обновляется лице земли Русския.

Вся земная ни во что вменив Христа ради,/ словом и житием, священномучениче Николае, верных поучал еси:/ о Боже сотворим силу,/ и Той унижит стужающих нам.

Богородичен: Стена неборимая и Покров всемогущий Российским новомучеником явилася еси, Пресвятая Дево,/ темже Тя величаем.

Песнь 5

Ирмос: Ты, Господи мой,/ Свет в мир пришел еси,/ Свет Святыи, обращаи из мрачна неведения// верою воспевающих Тя.

Яко луч Солнца Правды явился еси, священномучениче Николае,/ и страданиями твоими мглу безбожия над Отечеством нашим рассеял еси.

Егда безбожнии тщася сокрыти тя в темнице, священномучениче Николае,/ Господь яви тя исповедника Своего всем концем земли Русския.

Русския Церкви светильниче священный Николае,/ кровью мученическими неугасимо светяи и у Престола Божия предстои,/ молися о чтущих тя.

Богородичен: Иже от Девы неизреченно рождейся, Господи,/ сохрани молитвами Ея Церковь Твою,/ Тебе славящую православными гласы.

Песнь 6

Ирмос: Пожру Ти со гласом хваления, Господи,/ Церковь вопиет Ти,/ от бесовския крове очищися/ ради милости от ребр Твоих// истекшею Кровию.

Восприим меч духовный, иже есть глагол Божий,/ безбожных козни сокрушил еси, священномучениче Николае,/ и вся разжженные стрелы лукаваго угасил еси щитом веры Православных.

Во священницех благочестно пожив и мучения путь терпеливо восприим,/ сугубую мзду на Небесех обрел еси, священномучениче Николае,/ идеже евангельски присно радуешься и веселишися.

Ничтоже возможно разлучити тя, богоприятне, от любви Христовы:/ ни скорбь, ни гонение, ни смерть,/ вся бо сия силою Возлюбльшаго тя Господа препобедил еси, священномучениче.

Богородичен: Поем Тя, Предстательнице теплая и Заступнице христиан, Богородице Всепетая,/ яко со всеми святыми земли Русския молиши Сына Твоего и Бога нашего/ обрести нам велию милость.

Кондак, глас 2:

Звезда светлая явился еси непрелестная миру, Солнца Христа возвещая зарями твоими, страстотерпче Николае,, и прелесть погасил еси всю, нам же подаеши свет, моляся непрестанно о всех нас.

Икос:

Красуйся и ликуй, Церковь Русская,/ яко благоплодная лоза священнаго страдальца израстившая,/ добропобедным мучением сердца верных укрепившаго,/ заповеди Господни исполнившаго и присно евангельски учившаго:/ приидите, чада, послушайте мене,/ не убойтесь от убивающих тело, души же не могущих убить,/ убойтесь же паче могущаго душу и тело погубить в геенне./ Темже, священномучениче Николае, моли Христа Бога спастись душам нашим.

Песнь 7

Ирмос: В пещи авраамстии отроцы персидстей,/ любовью благочестия паче,/ нежели пламенем, опаляеми, зываху:// благословен еси в храме славы Твоея, Господи.

Яко трие отроцы, в пещи вавилонстей пламенем объятии, молитвою не сгараху,/ тако ты, священномучениче Николае, во огни мучений благодатию веру сохранил еси./ Сего ради ныне с новомученики Российскими ликуеши:/ благословен еси, Боже отец земли нашей.

Якоже древле отроцы, в пещи неопаляеми, златому истукану не поклоняшася,/ тако же и ты, священномучениче Николае, огнем мучений

неопалѣемь,/ безбѣжие небоязненно обличал еси, вzywая с новомученики Россійскими:/ благословѣн еси, Бѣже отцев земли нашей.

Жертву живую и всесожжение Творцу себе самаго принося, священномучениче Николае,/ с новомученики Россійскими воспевал еси:/ могущи, покарѣйтесь, яко с нами Бог отцев земли нашей.

Богородичен: Яже паче ума и естества Бѣга рѣдши, Неискусомужная Маріе,/ чтущия Тя от враг вѣдимых и невѣдимых избави,/ Ты бо еси земли отцев наших Держава необоримая.

Песнь 8

Ирмос: Руце распротер, Даниил/ львов зияния в рове затче;/ огненную же силу угасиша,/ добродетелию препоясавшеся,/ благочестиярачи́тели отроцы, вzywающе:// благословите, вся дела Господня, Господа.

Землю Русскую, безбѣжными гонѣнии нещадно жегомую,/ слезами и кровью твоими напоил еси, священномучениче Николае,/ сего ради плоды веры, чада церковная, возрастил еси.

Злобы мучителей не убоялся еси,/ огнем любви Божественныя твѣя препобедив,/ темже благодать молиться о нас стяжал еси, священномучениче Николае, достохвально.

Благословляя гонителей твоих, блаженне Николае,/ усердно молился еси за них,/ да покаются и купно с верными братьями благословят Господа.

Богородичен: Христа зрящи умерщвляема, Многопѣтая Владычица,/ и видящи исполнѣние Симеонова проречѣния, слезящи вzywаше:/ благословѣн еси, Бѣже, во вѣки.

Песнь 9

Ирмос: Камень нерукосѣчный/ от несекомыя горы, Тебѣ, Дѣво,/ краеугольный отсечѣся,/ Христос, совокупивый разстоящая естества.// Тем, веселящеся, Тя, Богородице, величаем.

Руками беззаконных убиен,/ жертва благоприятная и вольное заклѣние Бѣгу принѣслся еси, святче Бѣжий Николае,/ Тем благодарне память твою почитаем.

Господь, исполняя смотрение Свое о Церкви Русстей,/ заступника
ты, священномучениче Николае, содела./ Темже молися Ему, во
благочестии нам пребывать и спастися душам нашим.

О бездна благодати Божия!/ Дарова бо Бог возлюбленным Своим
веры ради пострадати/ и ты, священномучениче Николае,/ яко плод
красный спасительнаго сения, избра от земли Русския.

Богородичен: Разори советы вся, на ны вооруженныя, Мати Бога
Вышняго,/ и радости исполни уповающия на Тя,/ да усердно вси Твое
проповедуем заступление.

Светилен:

Паству хлебом слова Божия насыщая/ и вином премудрости
священныя напоая,/ теплотою любви твоея дары сия растворил еси,
священномучениче Николае,/ И ныне высоким проповеданием вещаеши
чадом Церкви Русския:/ приступите ко Господу, и просветитесь,/ и лица
ваша не постыдятся.

Слава, и ныне, Богородичен:

О Тебе мы хвалимся, Богородительнице,/ и к Богу Ты имамы
Предстательство,/ простри руку Твою неборимую/ и сокруши враги
Церкви Русския.

На хвалитех стихиры, глас 4.

Дал еси знамение/ земли Русстей, Господи,/ священномученика,
угодника Твоего, Николаа,/ яко да тем умолен бывая,/ отвратиши
праведный Твой гнев,/ и не погибнет святая/ и боголюбивая Русь//
предстательством новаго страстотерпца.

Жертву хваления/ присно Господеву принося,/ священномучениче
Николае,/ в конец самого себе/ в жертву живу и святу,/ благоугодну и
совершенну представил еси,/ темже ти верно вопиём:/ благоприятны
сотвори молитвы наша// о благостоянии Церкви Русския.

Предстателю Церкви Русския,/ священномучениче Николае
всехвальне,/ выну зряй Лице Господа на Небесех,/ не презри ни единого/
от малых чад ея,/ но радостно покаяние наше прими/ и моли присно//
сыновом Российским спастися.

Сла́ва, глас 8.

О, пресла́внаго чудесе́!/ Яко крин посреде́ térния,/ в страда́ниях за Христа́ процвёл еси́, священномучениче Николае,/ да не затми́тся в земли́ нашей свет Правосла́вия/ во открове́ние язы́ком и сла́ву наро́да Ру́сского./ И ны́не, в селéниях ра́йских пребыва́я,/ неувяда́емо благоуха́еши// ве́ре твое́й подража́ющим.

И ны́не, глас и подо́бен то́йже:

О, пресла́внаго чудесе́!/ Небесе́ и земли́ Цари́ца,/ от святы́х сродни́ков на́ших умоля́емая,/ до ны́не зéмлю Ру́сскую покрыва́ет/ и ли́ка Своего́ изображе́нии ми́лостивно обогаща́ет./ О Влады́чице Держа́вная!/ Не престáни и на бу́дущее вре́мя/ во утвержде́ние на Руси́ Правосла́вия// ми́лости и чудеса́ изливáти до ве́ка. Ами́нь.

Славосло́вие вели́кое. И отпу́ст.

НА ЛИТУРГИИ

Блаже́нна от канона́, пе́снь 3-я и 6-я.

Прокímeн, глас 7: Честна́ пред Го́сподем// смерть преподо́бных Его́.
Стих: Что возда́м Го́сподеви о всех, я́же воздаде́ ми?

Апóстол к Рíмляном, зача́ло 99.

Аллилу́ия, глас 2: Свяще́нницы Твои́ облеку́тся в правду, и преподо́бнии Твои́ возра́дуются. Стих: Бог нам Прибе́жище и Си́ла, Помо́щник в ско́рбех, обрётших ны зело́.

Ева́нгелие от Луки́, зача́ло 106. Конéц: В терпе́нии ва́шем стяжи́те душá ва́ша.

Прича́стен: В па́мьть ве́чную бу́дет пра́ведник:

Молитва священномученику Николаю (Восторгову)

О, избранниче и угодниче Христов, священномучениче Николае, Церкви Русския столпе непоколебимый, земли нашае благое прозябение и красный плод, сродников твоих предстателю и наставниче! Ты во время гонения безбожнаго от сокровищницы души твоея спасительное исповедание Православныя веры изнесл еси, и людем верным пастырь добрый явился еси, душу твою за Христа и Его овцы полагая и лютыя волки далече отгоняя. Ныне убо призри на нас, недостойных чад твоих, умиленною душею и сокрушенным сердцем тя призывающих. Умоли Господа Бога, да простит согрешения наша и избавит от адовых уз и вечногo мучения. Утверди нас в вере святей, научи нас всегда творити волю Божию и хранити заповеди церковныя. Буди пастырем нашим правило веры, воином вождь духовный, болящим врач изрядный, печальным утешитель, гонимым заступник, юным наставник, всем же благосердый отец и теплый молитвенник, яко да молитвами твоими соблюдется в Православии Свята́я Русь и непрестанно славится в ней имя Пресвяты́я Троицы, Отца, и Сына, и Свята́го Духа, во веки веков. Аминь.